

# Орн-нутгт ноос, мах, үс икәр өгхмн!



## Партин килмджд куцәнъгүстә көдлмшәр хәрү өгчәнә

Элст балгъсна „Буратинск“ совхозд саалин 88 үкр бәәнә. Эн совхоз Элст балгъснд өдр болгън 200 литр үс хулдна.

Саальчнр дотр Корнусова Мария Джураевна гидг күүкд кун дегд сәәнәр көдлдж бәәнә. Эн саальч өдр болгън 13 саадг үкрәсн 140 литр үс авна. Мария Джураевна „Цыганка“ гидг үкрәс 17-18 литр үс саана, „Малютка“ гидг үкрәсн 16-17 литр үс авна.

Үр Корнусова сүүлин тавн өдр сааджасн үкрмүдәсн 658 литр үс авб. Эн саальчас Убушаева Александра гидг баахн күүкн чигн ард үлдхш, өдр болгън 13 үкрәс 130-д шаху литр үс саана. Эн күүкнә „Струнка“ гидг үкр 16 литр үс өгнә. Елизавета Петровна Кривцова чигн му бишәр көдлджәнә.

Эн саальчнрт, Ленинград балгъснд болсн совещаньд

„Амн болгъна тоод мах, тос болн үс гаргългъар, Америкин Соединенн Штатсиг өбрхн джилмүдин эргцд күүцдж авхмн“ гидж үр Н. С. Хрущевин келсн үг ик гидгәр чидл, күүч болн урмд ургъав. Эн фермин цуг саальчнр Октябрин 40-ч өбнд белг гидж үкр болгънас 15 центнер үс авхин орчд 20 центнер үс авх болцхав.

АЛЕКСЕЙ БАЛАКАЕВ.